

Udako Euskal Unibertsitatea



ATZO BUKATU ZIREN IRUÑEKO IKASTAROAK, ETA 750 IKASLE INGURU IZAN DIRA, GEHIENAK GIPUZKOA ETA BIZKAIKOAK

UEUko ikastaroek heldutasuna eta oreka erdietsi dutela esan du Mikel Aizpuruk

Miarritzen astebetean eta Iruñean bi astean izan ondoren, atzo bukaera eman zieten Udako Euskal Unibertsitateko ikastaroei. UEUko lehendakari Mikel Aizpuruk esan zuen ikastaro hauetan heldutasuna eta oreka erdietsi dutela, nahiz eta aurreko ikasleak kopurua jaitsi egin den eta milioi bateko defizita izan duten.

Asier Azpilikueta / Iruñea

BIDE ONETIK doazela azaldu zuen Mikel Aizpuruk UEUko 26. ekitaldiaren azterketa eta balantzea egin zuenean. «Ikastaroek ikasleak zein irakasleak iritzi ona jaso dute, kalitatearen alde ez baita inolako hutsegiterik izan», adierazi zuen. UEUko 26. udako ikastaroak *Heldutasuna eta oreka* leloa paratzerakoan bete-betean asmatu zutela erran zuen: «Hori lortu dugula uste dut. Heldutasuna, alde batetik, UEUk aurrera sendo jarraitzen duelako. Eta oreka, bestetik, egoera ekonomikoaren aldetik etorri zaigu, behin behineko balantzearen arabera milioi bat pezetako defizita izan baitugu soilik (40.000 libera inguru)».

Iazko egoera larria gairatu duela uste du Aizpuruk. Izan ere, aurreko ikastaroetako behin behineko balantzea egiterakoan hamar milioiko defizita zutela ikusi zuten. Horrek gastuak gutxitzea eta ikastaroen kopurua jaistera behartu zituen. Zera erran zuen Aizpuruk horren harira: «Une honetan, berriz, badugu baikor egoteko arrazoirik. Egoerari aurre egiteko hainbat neurri hartu behar izan genituen, eta, zorionez, aldatetek ez dutela eragin nabarmenik izan matrikulazio kopuruetan ikusi ahal izan dugu». Dena dela, ikas-



Ane Sarasua, Mikel Aizpuruk eta Mari Karmen Meñika, atzoko agerraldian.

le kopurua jaitsi egin da. Aizpuruk aburuz, ikastaro guttiago egon delako eta zenbaitetan ikasle kopurua mugatu delako gertatu da. Hala ere, baikor egoteko moduan daude UEUkoak; «Sekula baino saio praktikoko gehiago izan ditugulako aurreko, sekula baino irteera gehiago, eta diziplina arteko ikastaroek gorantz egin dutelako», Aizpuruk

erran zuenez.

Ohiko unibertsitatea izan nahi ez izateari erantzuten omen dio aurreko guztiak. Gainera, Aizpuruk azpimarratu zuenez, UEUren urte guziko lana da, ezin baitira ahaztu egiten dituzten jardunaldiak eta liburugintza lana. Heldu den urteari begira, Iruñean eta Miarritzen segitzeko gogoa adierazi zuen. Horrekin batera,

jakintza gai gehiago lantzea eta ikastaro gehiago antolatzea gus-tatuko litzaiekeela esan zuen.

Ikastaroetako datuak • Behin behineko balantze ekonomikoan ateratzen zen milioi bateko defizitari garrantzia kendu nahi izan zion UEUko ekonomia ardura-dun Ane Sarasuak. Esan zuenez, iaz hamar milioiko defizita

aurrekusi zuten, eta, azkenean, bost milioitan gelditu zen. Uda honetako defizita ttikiagoa da dirulaguntza eman behar zuten erakunde publiko gehienek ongi erantzun dutelako. Sarasuak informatu zuenez, UEU beste zenbait deialditara aurkeztu da eta horren zain daude.

Bestelako datuak ere eman zituzten atzo egin zuten balantze-ozioan. Esate baterako, Iruñeko ikastaroetan 750 ikasle izan dira. Denetara 25 ikastaro egin dituzte, klaseetan 30 ikasle izan dituzte batez beste. Psikologia ikastaroa izan da ikasle gehien izan duena (52) eta Artekoa gutti izan duena (7). Datuei erreparatu, hauek dira ikasle gehien ezaugarriak: 21 urtetik 25era bitartekoa, gipuzkoarra, unibertsitateko ikaslea, UEUra estreinako aldiz datorrena eta lehenengo astebetean egon dena. Gipuzkoarren atzetik, bizkaitarrak daude ikasle kopuruari dagokionez. Hala ere, UEUko kide Mari Karmen Meñikak nabarmendu nahi izan zuen nafarren ikasle kopurua urtez urte handituz doala, eta aurreko ehunetik gora izan dela. Era berean, azpimarratu nahi izan zuen ikasle eta irakaslearen figura mantentzen dela oraindik, hau da, badirela irakasleak ikasleek tokia hartzen dutenak. X

Hiru istripu larri izan ziren Hegoaldean udako irteeraren bigarren egunean

Biriatuko mugan galdeketa egingo du gaur Trafikoko Zuzendaritzak

Erredakzioa / Donostia

NORMALTASUNA izan zen nagusi atzo Hegoaldeko errepideetan udako irteeraren bigarren egunean. Hala ere, bi istripu larri izan ziren. Goizean Zeanurin bi autok elkar jo zuten, eta ondorioz 25 urteko gazte bat larri zaurituta eraman behar izan zuten Galdakaoko ospitalera. Beste istripu larria Aialan izan zen, Araban. Auto batek beste bat jo zuen atzetik, eta ondorioz bi pertsona larri zaurituta eraman zituzten ospitalera. Hala ere, ohiko auto ilarek gain — A8ko ordainleketan batez ere — ez zen aparteko arazorik sortu errepideetan informazio hau idatzeko orduan.

Dena dela, kotxe istripu larri bat jazo zen ostegun gauean

Gipuzkoan, Zestoan. Getariako 20 urteko G.S.E. mutil gaztea hil zen istripuaren ondorioz. Istripu horretan, hiru kotxe eta kamioi batek jo zuten elkar.

Bizkaian beste istripu bat gertatu zen atzo arratsaldeko sei-tan. Alonsotegin izan zen ezbeharra, Balmasedarako norabidean. Istripuan bi kotxe zeharka elkar jo zuten, eta, ondorioz, bi kotxeetako bidaiari batzuk kotxe barruan gelditu ziren. Hori dela eta, suhiltzaileen laguntza beharrezkoa izan zen zaurituak ateratzeko. Zaurituak, nahikoa larri, Basurtuko ospitalera eraman zituzten. Istripuaren ondorioz errepidea moztu egin zuten.

Nafarroan ere istripu larri bat izan zen Corellan, auto batek eta kamioi-traktore batek elkar jo ondoren. Kamioiko gidaria larri

zaurituta eraman zuten Tuterako Reina Sofia ospitalera. Bestalde, Foruzaingoak eta Guardia Zibilak neurri bereziak hartuko dituzte asteburuko sarrera eta etorrera operazioetarako.

Uztailaren bukaera eta abuztuaren hasiera asteburuan direla eta, trafiko handia izan dela pentsatzekoa da. Horri gehitu beharrezkoa da egunotan Nafarroako herri askok beren bestak ospatzen dituztela eta herrien arteko kotxeen joan-etorri asko egon dela. Horregatik, eta istripuak galarazteko, alkoholemia eta radarrez eginiko abiadura kontrolak ugartuko dituela abisatu du Guardia Zibilak.

Trafiko murrizketak Iparraldean • Gaur ezin izango dute bidaiatu 16 urtez beherako 15 haur baino



Oro har, lasaitasuna izan zen atzo errepideetan.

JAGOBA MANTEROLA

gehiagok batera Iparralde osoan.

Bestalde, debekatuta dago gaur goizeko zortzietatik eguerdira arte 7.500 kiloko pisua duten kamioiak gidatzea.

Aipatu beharrezkoa da, bestalde, galdeketa bat egingo duela gaur Eusko Jaurlaritzako Trafi-

ko Zuzendaritzak Biriatuko mugan. Galdeketa helburua, Bordenatik Lisboara bitarteko bidea egiten duten bidaiariak nola gidatzen duten jakitea da. Hots, errepide segurtasunaren inguruko galderak egingo dizkiete aipatu bidaiariak. X